

21-ը հոկտեմբերի, 2016թ.

Արմավիրի մարզպետ
Աշոտ Ղահրամանյանին

Հարգելի պարոն Ղահրամանյան

Ամերիկյան խորհուրդներ կազմակերպությունն այս տարի շարունակելու է իրականացնել օրենսդիր և օրինաստեղծ մարմինների աշխատակիցների մասնագիտական կատարելագործմանը և փոխանակմանն ուղղված (Professional Fellows Program/PFP) ծրագիրը, որի մասին մենք պարբերաբար Ձեզ նամակով տեղեկացրել ենք նախկինում: Այս ծրագիրը հնարավորություն է ընձեռում օրենսդրական մարմինների աշխատակիցներին մեկնել ԱՄՆ ուսումնասիրելու ամերիկյան օրենսդրական հաստատությունների և կառույցների փորձը: ԱՄՆ այցից հետո ծրագրի՝ ԱՄՆ-ի կողմի մասնակիցները նույնպես հնարավորություն են ունենում փոխադարձ այցեր կատարելու իրենց գործընկերների երկրները:

Նամակին կից Ձեր ուշադրությանն եմ ներկայացնում PFP ծրագրի համառոտ նկարագրությունը: Երախտապարտ կլինեմ, եթե Ձեր աշխատակիցները նամակին կից ներկայացված ծրագրի համառոտ նկարագրությունը և ծրագրի վերաբերյալ տեղեկությունները հասանելի դարձնեն Արմավիրի մարզպետարանի աշխատակազմին և տեղական կառավարման մարմինների մասնագետներին: Խնդրում եմ, որպեսզի ծրագրի հայտարարությունը ուղարկվի նաև ձեր էլեկտրոնային ներքին ցանցով: Համաձայնության դեպքում կարող ենք տրամադրել հայտարարության էլեկտրոնային տարբերակը:

Ամերիկյան խորհուրդները նոյեմբերի 1-ին ժամը 18:30-ին տեղեկատվական հանդիպում է կազմակերպում ծրագրին դիմելու գործընթացի և իրականացման փուլերի վերաբերյալ: Հանդիպմանը ~~երկու~~ ~~կունեան~~ ~~և~~ ~~իրենց~~ ~~փորձ~~ կներկայացնեն ծրագրի շրջանավարտները: Հանդիպման մանրամասների վերաբերյալ տեղեկություններ ստանալու համար հետքերը մասնագետները կարող են զանգահարել Ամերիկյան խորհուրդների գրասենյակ: Մինչ այդ ես կամ մեր գրասենյակի ղեկավար Նանե Աբրահամյանը սիրով կպատասխանենք PFP ծրագրին վերաբերող Ձեր բոլոր հարցերին:

Համագործակցության ակնկալիքով և հարգանքով՝

Քերին Սմիթ

Հայաստանյան գրասենյակի տնօրեն

22 ՈՐՈՒՆԱԿՆԻ ՄԱՐԶԱԿԱՆԱԿԱԿԱՆ
1851-16
25 10 2016



Օրենսդրական ոլորտի, կառավարման և քաղաքականության մշակման երիտասարդ մասնագետների (Professional Fellows Program/PFP) ծրագիրը հովանավորում է ԱՄՆ-ի Պետքարտուղարության կրթական և մշակութային գործերի բաժինը: Հայաստանում PFP ծրագիրն իրականացնում է Միջազգային կրթության ամերիկյան խորհուրդներ (Ամերիկյան խորհուրդներ) կազմակերպությունը:

PFP-ն հնարավորություն է ընձեռում երիտասարդ մասնագետներին ծանոթանալու և գործնական փորձ ձեռք բերելու ԱՄՆ-ի կառավարական մարմիններում: PFP-ն ներգրավում է մասնագետներին, ովքեր աշխատելով պետական մարմիններում, քաղաքացիական, կրթության հաստատություններում, քաղաքացիների շահերի պաշտպանության կազմակերպություններում ակտիվ ընգրկված են օրենսդրական և/կամ քաղաքականության մշակման գործընթացում: PFP մասնակիցները ԱՄՆ-ի քաղաքական գործընթացների վերաբերյալ իրենց մասնագիտական հետաքրքրություններն ու գիտելիքները կկարողանան խորացնել հնարավորություն ունենալով աշխատելու Միացյալ Նահանգների պետական օրենսդրական մարմիններում, քաղաքապետարաններում, ինչպես նաև ԱՄՆ-ի Կոնգրեսում և քաղաքականության մշակման հարցերով զբաղվող ՀԿ-ներում:

PFP-ի նպատակն է մասնակիցներին հնարավորություն տալ՝

- ավելի խորը ծանոթանալու ԱՄՆ-ի օրենսդրական գործընթացներին,
- կարելի է քաղաքացիական հասարակության դերը և ներգրավվածությունը քաղաքական գործընթացներին,
- ստեղծելու գործընկերական կապեր ԱՄՆ-ի և Հայաստանի հաստատությունների միջև,
- միասնական ուղիներ փնտրելու և գործնական լուծումներ մշակելու ընդհանուր մտահոգություններն ու խնդիրները հաղթահարելու համար:

PFP ծրագրի յուրաքանչյուր մասնակից վեցշաբաթյա վերապատրաստում կանցնի ԱՄՆ-ում: Ծրագրի նախնական ժամանակացույցի համաձայն 2017թ. գարնան ծրագրի մասնակիցներն ԱՄՆ-ում կլինեն ապրիլի 24-ից մինչև հունիսի 2-ը: PFP ծրագիրը տրամադրում է ձանապարհաձև, վիզայի վճար, առողջության ապահովագրում և կրթաթոշակ: Բնակարանը և սնունդը տրամադրում են նախապես ընտրված հյուրընկալող ընտանիքները:

Ծրագրին մասնակցելու համար դիմորդները պետք է՝

- լինեն Հայաստանի Հանրապետության քաղաքացի և բնակիչ
- դիմելու պահին լինեն 25-ից 35 տարեկան
- ունենան առնվազն երկու տարվա համապատասխան աշխատանքային փորձ և մտադրություն աշխատանքը շարունակելու իրենց երկրի պետական և հասարակական սեկտորում
- տիրապետեն անգլերենին:
- ունենան առնվազն բակալավրի կրթություն
- ցուցաբերեն առաջնորդելու և համագործակցելու հմտություններ:

PFP ծրագրի մասնակիցներն ընտրվում են մրցութային կարգով:

Ծրագրին մասնակցելու համար դիմորդները պետք է մինչև 2016թ. նոյեմբերի 15-ը ներկայացնեն օնլայն դիմում <https://ais.americancouncils.org/pfp>

Ծրագրին դիմելու գործընթացի և մրցութի անցկացման մասին մանրամասն տեղեկություններ կարելի է ստանալ ծրագրի կայքից <http://professionalfellows.americancouncils.org/> կամ կարող եք դիմել Ամերիկյան խորհուրդների հայաստանյան գրասենյակ: